

যায়যায়দিন

জরিখ ০৩ ২০০৬
 তারিখ
 পৃষ্ঠা ৭ কলাম

অবহেলা নয় মাদ্রাসা শিক্ষাকে যুগোপযোগী করুন

অবহেলা, অমনোযোগ এবং উপেক্ষার কারণে মাদ্রাসা শিক্ষাকে যুগোপযোগী করে গড়ে তোলা যাচ্ছে না। আলিয়া মাদ্রাসাগুলো আমাদের প্রচলিত শিক্ষা ব্যবস্থার সঙ্গে ভাল মিলিয়ে চললেও পিছিয়ে রয়েছে কওমি মাদ্রাসাগুলো। আলিয়া মাদ্রাসার পাশাপাশি কওমি মাদ্রাসাগুলোতে আধুনিক শিক্ষা ব্যবস্থা চালুর সময় এসেছে।

কওমি মাদ্রাসাগুলোতে উর্দু ও ফার্সির পাশাপাশি এখন বাংলাও পড়ানো হচ্ছে আরবি শিক্ষার পাশাপাশি তারা বাংলা ও ইংরেজি শিক্ষায় আগ্রহ দেখাচ্ছে। শুক্রবার নীলক্ষেতের আইসিএমএ মিলনায়তনে শুরু হয়েছে মহানগরীর ৩০টি মাদ্রাসার ৪০০ বিতার্কিকের অংশগ্রহণে বিতর্ক কর্মশালা। তারা এখন স্কুল কলেজের শিক্ষার্থীদের মতো একটু কারিকুলাম অ্যাকটিভিটিতে অংশ নিচ্ছে। মাদ্রাসা শিক্ষার আধুনিকায়নে সরকারকে আরো মনোযোগী হতে হবে। বাংলা ইংরেজির পাশাপাশি তাদের কমপিউটার শিক্ষায় আগ্রহী করে তুলতে হবে। কে ক্ষেত্রে সরকারকে স্কুল-কলেজের পাশাপাশি প্রতিটি মাদ্রাসায় কমপিউটার সরবরাহ নিশ্চিত করতে হবে।

মডার্ন টেকনলজির ছোঁয়া পেলে মাদ্রাসা শিক্ষার্থীরা তাদের চিন্তা মনমানসিকতায় আরো আধুনিক হবে। ধর্মীয় গ্যাঁড়ামি ও কুসংস্কার অনেকাংশে দূর হবে।

কওমি মাদ্রাসার জন্য সরকারের পক্ষ থেকে একটি আধুনিক ও যুগোপযোগী সিলেবাস তৈরি করে দেয়া দরকার। দরকার কওমি ও আলিয়া মাদ্রাসা সিলেবাসে সমন্বয় সাধন করা। সর্বোপরি প্রচলিত শিক্ষা ব্যবস্থার সিলেবাসে সঙ্গে মাদ্রাসা ও ইংলিশ মিডিয়াম স্কুলগুলোর সিলেবাসে সমন্বয় ঘটাতে হবে। শিক্ষা ব্যবস্থায় বৈষম্য থাকার কারণে সামাজিক বৈষম্য সৃষ্টি হচ্ছে। মাদ্রাসা শিক্ষার প্রতি অবহেলার দরুন সমাজের একটি বড়ো অংশ পিছিয়ে পড়ছে। আর কালক্ষেপণ নয়, সময় এসেছে মাদ্রাসা শিক্ষাকে প্রচলিত শিক্ষা ব্যবস্থার ন্যা আধুনিক ও যুগোপযোগী করে গড়ে তোলার।

একটি আধুনিক ও যুগোপযোগী শিক্ষা ব্যবস্থার ওপর নির্ভর করছে শিক্ষিত সমৃদ্ধশালী বাংলাদেশ গড়ার ভবিষ্যৎ। সমাজের একটি বড়ো অংশকে বাদ দিয়ে উন্নয়ন ভবিষ্যৎ গড়ে তোলা সম্ভব হবে না।